

23. Puer natus in Bethlehem

Piae Cantiones 1582

Anonymus

Musical score for 'Puer natus in Bethlehem'. The score is written for Tenor (T) and Bassus (B) voices. The music is in 3/4 time and G major. The lyrics are: 'Pu - er na - tus in Beth - le - hem, in Beth - le - hem, un - de gau - det Ie - ru - sa - lem, Al - le - lu - ia.' The score consists of two systems. The first system covers the first four measures, and the second system covers the next four measures, starting with a measure rest (6) above the staff.

2. Assumpsit carnem hominis,
Verbum Patris altissimi, Alleluia.
3. Per Gabrielis nuncium,
Virgo concepit filium, Alleluia.
4. De matre natus virgine,
Sine virili semine, Alleluia.
5. Sine serpentis vulnere,
De nostro venit sanguine, Alleluia.
6. In carne nobis similis,
Peccato sed dissimilis, Alleluia.
7. Tanquam sponsus de thalamo,
Processit matris utero, Alleluia.
8. Hic iacet in praesepio,
Qui regnat sine termino, Alleluia.
9. Cognovit bos et asinus,
Quod puer erat Dominus, Alleluia.
10. Et angelus pastoribus,
Revelat quis sit Dominus, Alleluia.
11. Magi de longe veniunt,
Aurum, thus, myrrham offerunt, Alleluia.
12. Intrans domum invicem,
Natum salutant hominem, Alleluia.
13. In hoc natali gaudio,
Benedicamus Domino, Alleluia.
14. Laudetur sancta Trinitas,
Deo dicamus gratias, Alleluia.